

Barzelona, di 24 April, come l'imperador verà in Italia; et si ha per lettere di 5 di Zenoa, et manda il capitolo, el qual verà in Italia, et havia, oltra le doglie, varate in aqua altre galle 24 che sariano preste. Scrive colouqui habuti con il confalonier Nicolò Caponi, qual ha pratica in Spagna, et tien certo che l'imperador non verà in Italia per questo anno et *etiam* non venirà il re Christianissimo; et altri colouqui *ut in litteris*.

203\* Da poi disnar, fu Pregadi, et poi leto le lettere, Fu posto, per li Savi d'acordo, le do lettere a li oratori nostri in Franza. In conclusion se li risponde che, venendo in Italia, li daremo da 12 in 13 milia fanti et 1500 cavalli lizieri, quali sarano a obedientia de Soa Maestà a beneficio de la impresa, et volendo *etiam* Soa Maestà haver uno suo nel nostro campo, qual vederà pagar le zente, semo contenti. *Item*, non venendo in Italia, et volendo romper in Spagna, Soa Maestà dia saper, che per li capitoli de la liga prima se dia atender a la expedition de le cose de Italia, el che fatto, se atendi a le cose de Spagna, et cussì volemo nui far tanto quanto dice la nostra capitulation.

Fu posto, per sier Lunardo Emo el consier, atento fusse preso de mandar a Ravenna a quel governo domino Thomaso de Costanzo con la sua compagnia, el qual . . . , et atento le lettere lete a questo conseio di Ravenna et Zervia, è bon farli provision de mandarli un capo, sì che quelle cose stiano secure; però l'anderà parte, che cadauno del Collegio nostro che puol meter parte in termine de zorni . . . in pena de ducati 500, debi venir a questo Conseio con le sue opinion, zerca mandar uno capo.

Fu posto, per li Consieri, Cai de XL et Savi, poi leto una suplication del datiaro de la biava de la terra de Brexa di l'anno 1527, qual è debito in camera lire 8065 soldi 12, et leto la risposta de rectori che dicono per li devedi fatti apresso etc., per tanto sia preso, farli comodità a pagar in 4 anni proximi, ogni 6 mexi la rata, et non atendendo le rate, sia de niun valor, et li sia dà ogni comodità de poter scuoder da li soi debitori de tal datio secondo la forma de la camera di Brexa. Ave: 123, 9, 17.

Fu posto, per li Consieri et sier Hironimo Contarini cao di XL, in loco de consier, una taia a Padova, de certo caso proditorio, seguito in la persona de Rinaldo de Rio citadin padoan, chi accuserà habi lire 1000, et se uno de compagni manifesti, sia assolto, et sapendo la verità, possino bandirli de terre

et lochi, con taia vivi lire 1000, morti lire 800 et confiscation de soi beni. Ave: 158, 1, 6. Fu presa.

Die 11 Maii 1529. In Rogatis. 204

Ser Petrus Boldà,  
Ser Marinus Justiniano,  
Advocatores comunis.

Quod ista informatio data illustrissimo dominio per nobilem virum ser Marcum Manolesso comitem et provisorem Lesinae, per litteras suas diei sexto et septimo mensis Aprilis proximi praeteriti, per quam scripsit intimasse V. N. ser Franciscum Bondumerio supracomito esistenti in ipso loco Lesinae cum dieta eius triremi, quod deberet se transferre ad locum Trani, cum comissione prout litteris ipsis, qui recusavit parere ipsi mandato allegando non posse se transfere in Apuliam defectu eius triremis innavigabilis, tamquam informatio aliter data, quam sit rei veritas prout huic consilio modo dictum ostensum et declaratum est auctoritate huius concilii, incidatur cassatur et revocatur una cum subsequenti parte posita et capta in hoc consilio sub die 17 mensis Aprilis proximi praeteriti, per quam declaratum fuit quod ipse vir nobilis ser Franciscus Bondumerio deberet immediate se tranferre Venetiis et praesentare ad carceres ad instantiam advocatorum comunis prout in ea et cum omnibus aliis secutis et dependentiis sic quod de coetero nullius valore vel vigore existat tamquam si facta et data minime fuisset.

|             |     |
|-------------|-----|
| † De parte  | 133 |
| De non      | 15  |
| Non sinceri | 11  |

Da poi sier Marin Justinian avogador di Comun 205\*) andò in renga dicendo, esser stà preso in questo Conseio, che sier Francesco Bondimier di sier Bernardo soracomito, qual era in Istria zonto, atento certe lettere del conte di Liesna, di non voler esser andà a Trani, et era venuto in Istria, fu preso el venisse in questa terra, et fusse comesso a li avogadori; el qual è venuto, et tolto el suo constituto et examinato testimoni *ut in processu*, che la soa gallia non poteva star sora aqua et era in manifesto periculo di anegarsi se'l fusse andà in Puia, però parve a loro avogadori de lezer el processo,

(1) La carta 204\* è bianca.